



Akcija „Damask“ u Federaciji BiH protiv radikalnih terorističkih grupa

SIPA PRIVELA 11 ISLAMISTA

BANJALUKA » Pripadnici SIPA uhapsili su 11 osoba osumnjičenih za finansiranje terorizma i vrbovanje ljudi da se u Siriji i Iraku bore na strani radikalnih grupa.

U SIPA su rekli da su uhapšeni F. H. (57), M. T. (56), K. O. (32), E. L. (39), B. T. (41), S. I. (28), S. K. (35), H. G. (41), R. I. (61), S. H. (28) i A. M. (36), a u Tužilaštvu BiH da raspolažu dokazima da se više njih tokom 2013. borilo u Siriji.

Nezvanično, uhapšeni su Ramiz Ibrahimović, Fikret Hadžić, Senad Kljajić, Enver Lilić, Samir Hadžalić, Berin Tahić, Halil Garanović, Mehmed Tutmić, Ahmet Mušanović, Salko Imamović i Kenan Okan.

Hadžić je selefija koji je već dva puta boravio u Siriji. Uhapšen je u Usijelu kod Kaknja, a navodno su njegova braća pripadnici vehabijskog pokreta, a Hadžić je, kako tvrde oni koji ga poznaju, u Siriji išao da pogine, a ne zbog novca. Ibrahimović je uhapšen u Maglaju, a lani se vratio iz Sirije.

U nastavku akcije „Da-



► **DAMASK:** Hapšenje radikalnih islamista

mask” pripadnici SIPA juče su pretresli više lokacija na području Sarajeva, Zenice, Kaknja, Maglaja i Živinica.

- Uhapšeni se sumnjice za finansiranje teroristič-

kih aktivnosti, podsticanje i vrbovanje na terorističke aktivnosti, organiziranje terorističke grupe, te protivzakonito formiranje i pridruživanje stranim

paravojnim ili parapolicijskim formacijama - kažu u SIPA.

U Tužilaštvu BiH su rekli i da određen broj osumnjičenih ima naoružanje i minsko-eskplzivna sredstva. U jučerašnjoj akciji učestvovalo je više od 100 policijskih službenika, a osim SIPA, na terenu su bili pripadnici OBA, MUP Zeničko-dobojskog kantona, Tuzlanskog kantona i Kantona Sarajevo. ■

SEPTEMBARSKA AKCIJA

U akciji „Damask“ U SEPTEMBRU JE BILO UHAPŠENO 16 OSOBA, među kojima i HUSEIN BOSNIĆ POZNATIJI KAO BILAL, jedan od vođa vehabijske zajednice u BiH. OSUMNJIČEN JE ZA TERORIZAM i nalazi se u pritvoru.